



Krizni štab Ministarstva zdravstva Zeničko-dobojskog kantona
za praćenje novog corona virusa

Krizni štab Ministarstva zdravstva Zeničko-dobojskog kantona za praćenje novog corona virusa, u skladu sa članom 6. stav 5. Pravilnika o organizaciji i načinu rada kriznog štaba Federalnog ministarstva zdravstva ("Sl. novine FBiH", broj: 10/12) i člana 14. Poslovnika o radu kriznog štaba Ministarstva zdravstva Zeničko-dobojskog kantona broj: 11-33-1335-19/20 od 11.03.2020. godine, na 28. sjednici održanoj dana 08.06.2020. godine, donosi:

NAREDBU

1. Nalaže se svim zdravstvenim ustanovama i operativnim štabovima zdravstvenih ustanova na području Zeničko-dobojskog kantona, da nastave sa kontinuiranim provođenjem i primjenom Kantonalnog plana pripravnosti za oboljenja izazvana novim korona virusom (COVID-19), a naročito mjera koje se odnose na hospitalizaciju osoba za koje je testiranjem utvrđeno da su pozitivne na korona virus (COVID-19) i drugih mjera prema izvorima zaraze.
2. Zadužuje se Institut za zdravlje i sigurnost hrane Zenica da u zdravstvenim ustanovama, izvrši nadzor nad provođenjem i primjenom Kantonalnog plana pripravnosti za oboljenja izazvana novim korona virusom (COVID-19).
3. Nalaže se svim zdravstvenim ustanovama na području Zeničko-dobojskog kantona, da provedu mjere aktivnog epidemiološkog nadzora „ARI/ILI/SARI“, u skladu sa smjernicama Instituta za zdravlje i sigurnost hrane Zenica.
4. Nalaže se svim pravnim i fizičkim licima, koja zapošljavaju više od 20 radnika, a koji do sada nisu donijeli plan sprečavanja širenja zarazne bolesti COVID-19, da što hitnije donesu navedeni plan, kojim će biti usklađena organizacija rada navedenih subjekata sa ranije datim preporukama Instituta za zdravlje i sigurnost hrane Zenica.
5. Zadužuje se Institut za zdravlje i sigurnost hrane Zenica, da u skladu sa epidemiološkom situacijom, revidira preporuke vezane za organizaciju rada pravnih i fizičkih lica i iste objavi na službenoj web. stranici Instituta.
6. Nalaže se zdravstvenim ustanovama, privatnim praksama, drugim pravnim i fizičkim licima i građanima obavezno poštivanje svih mjera koje su propisane Naredbom Kriznog štaba Federalnog ministarstva zdravstva broj: 01-33-3223/20 od 29.05.2020. godine i Naredbom o izmjeni i dopuni Naredbe broj: 01-33-3223/20 od 29.05.2020. godine, broj: 01-33-3223-1/20 od 31.05.2020. godine.
7. Nalaže se organizatorima javnih okupljanja da kontinuirano kontroliraju provođenje naredbi od 1.-13. koje su utvrđene Naredbom Kriznog štaba Federalnog ministarstva zdravstva broj: 01-33-3223/20 od 29.05.2020. godine.

8. Nalaže se Kantonalnoj upravi za inspekcijske poslove i nadležnim općinskim inspekcijama da kontinuirano provode pojačan inspekcijski nadzor nad provođenjem naredbi od 1.-14. koje su utvrđene Naredbom Kriznog štaba Federalnog ministarstva zdravstva broj: 01-33-3223/20 od 29.05.2020. godine.

Broj: 11-33-1335-83/20
Zenica, 08.06.2020. godine



Predsjednik Kriznog štaba
Ministar zdravstva

dr. Adnan Jupić

Dostaviti:

- 1x zdravstvene ustanove - svima (putem e-mail),
- 1x Institut za za zdravlje i sigurnost hrane Zenica,
- 1x Udruženje poslodavaca Zeničko-dobojskog kantona,
- 1x Kantonalna uprava za inspekcijske poslove,
- 1x općine/grad (inspekcijske službe) - svima (putem e-maila),
- 1x službena web. stanica Vlade Zeničko-dobojskog kantona,
- 1x a/a